

Миллий онг миллий ғурур

Наманган вилояти тарихи ва маданияти давлат музейининг

мустақиллик бўлим илмий ходими

Косимжоновна Садокат

Бугунги кунда маънавий масаласи ижтимоий ҳаётимизнинг асосий масалаларидан бирига айланиб қолди. Истиқлол туфайли маънавий ҳаётимизда туб ўзгаришлар содир бўлмоқда. Истиқлолнинг дастлабки кунлариданоқ мамлакатимизда бу соҳага улкан ва узлуксиз эътибор қаратиб келинмоқда. Халқимизнинг миллий онги, миллий ғурури ўсиб, маънавий асосини янада мустаҳкамлашга пойдевор яратаяпти.

Собиқ тузум вақтида маънавий деган тушунчани тасаввур ҳам қилиб бўлмаган. Мазкур терминнинг изоҳи, мазмун ва моҳияти илмий луғатларда баён этилмаган, бу ҳақда бирор арзирли фикр билдирилмаган. Чунки марказлашган, тобалик сиёсати таянган мустабит тузим таркибидаги халқларни бир хил қолипда, исканжада ушлаб, уларнинг ўз тарихи, маънавиятини ўрганишга, ўзлигини англашга ёъл қўйилмаган эди. Тарихий тажрибалар, илмий изланиш ва кузатишлардан маълумки, дунёдаги ҳеч бир мамлакат ўз маънавий имкониятларини ишга солмасдан, кишилар онгида Юксак ахлоқий қадриятларни ривожлантормасдан, халқнинг миллий руҳиятини уйғотмасдан ва уни мустаҳкамламасдан туриб, миллат ва жамият тараққиётига эриша олмайди.

Аждодларимиз тафаккури ва даҳоси билан яратилган энг қадимги тошёзув ва битиклар, халқ оғзаки ижоди намуналаридан тортиб, бугунги кунда кутубхоналаримиз хазинасида сақланаётган минг–минглаб кўлёмалар, уларда мужассамлаштирилган тарих, адабиёт, санъат, сиёсат, ахлоқ, фалсафа, тиббиёт, математика, минералогия, кимиё, астрономия, меъморчилик, деҳқончилик ва бошқа соҳаларга оид қимматбаҳо билимлар бизнинг буюк маънавий бойлигимиздир. Бу меросдан оқилона, унумли ва

Ўринли фойдаланиш, мадад олиш жамиятдаги ҳар бир фуқоронинг муқаддас бурчидир. Агар миллат, давлат ва жамият тараққий топса, инсонларнинг тинч - осойишта ҳаёт кечириши, ўз олдига эзгу мақсадлар қўйиб яшаши учун етарли шарт – шароит яратилган бўлади. Маънавият инсонни улуғлайди, уни бунёдкорликка, яратувчиликка ундайди, ажойиб хусусиятларни, одамийлик фазилатларини шакллантиради. Кишилиқ жамиятида инсонпарварлик, ватанпарварлик, миллатпарварлик, ҳалоллик, поклик каби хислатларни таркиб топтиришда жамоат ташкилотлари, тарбия масканлари, маънавият ва маърифат даргоҳларининг, қолаверса кенг фаолларнинг тутган ўрни, аҳамияти жуда катта.

Аждодларимиздан авлоддан – авлодга ўтиб келаётган миллий урф - одат ва маросимларни, моддий ва маънавий меросни чуқур ва атрофлича ўрганиш, уларни асраб – авайлаш, замон талаби асосида янада бойитиб келажак авлодга этказиб бериш, миллат ўзлигини англатиш каби масалалар мустақиллик йилларида давлат сиёсати даражасига кўтарилди.

Лекин бу борада қўлга киритилган ютуқлар қанчалик кўп ва катта бўлмасин, маънавий салоҳиятнинг илдизлари мустаҳкам ва дунё сивилизатсиясида ўзининг муносиб ўрнини эгаллаб келмоқда.

Шуни ҳисобга олиш лозимки, миллий, маънавий – руҳий имкониятимизни юзага чиқариш фақат мамлакатимиз ва миллий тараққиётимиз манфаатлари доираси билан чекланиб қолмайди, унинг кўлами ниҳоятда кенг бўлиб, инсоният тараққиёти XXI асрда интеллектуал салоҳиятнинг қайси даражасида ривожланиши ва бу тизимда миллий – маънавий омилнинг устувор бўлиб қолиши билан ҳам боғлиқдир.

Ёшлар тарбиясида ҳеч қандай асосга таянмайдиган мавҳум қарашлар ва ғоялар билан кўзланган мақсадга эришиб бўлмайди, балки у миллий заминларга, авлод – аждодлар яратган миллий ва маънавий меросга, асрлар давомида шаклланган миллий кадриятлар ва тажрибаларга таянган ҳолдагина муваффақиятга эришиш мумкин.

Қолаверса, ўзга миллатларнинг (хатто, у умуминсоний кадриятлар даражасига кўтарилган бўлса ҳам) маънавий – руҳий салоҳиятлари миллий янгиланиш ва покланишда, миллатнинг баркамол авлодини тарбиялашда белгиловчи омил бўла олмайди. У қачонки, миллий салоҳият билан уйғунлашган бўлсагина, миллатнинг баркамол авлодини шаклланишига ўзининг ижобий таъсирини ўтказиши мумкин.

Мустақил, қарамлик ва мутеъликдан озод бўлган миллатгина миллий, маънавий – руҳий тикланиш, янгиланиш имкониятига эга бўла олади. Шу маънода, миллатнинг сиёсий мустақилликни қўлга киритиши хали тўла маънодаги мустақилликка эга бўлиш, қолаверса, мустақилликни қўлга киритиш томон қўйилган муҳим қадам эмас. Қачонки, миллат қарамлик ва мутелик тафаккурдан батамом озод бўлсагина, ўзининг “менлигини” тушуниб етса, англасагина тўла маънодаги мустақилликка эришган бўлади.

Фойдаланилган адабиётлар

1. .Наманган ҳақиқати газетаси 2018й.
2. .А. Азизов Мозий сабоқхонаси
3. .Узбек коғози. Гулистон журнали 2021й/2.
4. .Когоз тарихидан. Фан ва турмуш журнали 1999й /3-4.
5. . Интернет сайтлаи.